**捣藻堂四庫全書** 

音薈

要

史部

欽定四庫全

以曾要 史部

詳校官內閣侍讀操 球



一欽定四庫全書養要卷四千八百四十史部 ŗ 3 北史卷二十九 司馬休之 蕭撝 蕭祗 劉昶 唐 得第十七 è ٠, 2.5 李 3 蕭圓肅 蕭退 蕭寶黃兄子赞蕭正表 司馬楚之 北史 延 司曾 馬猴 壽 蕭泰 漸大園 叔裔 璠 司 馬 司 馬景 撰 天之 团力

休之休之與魯宗之及宗之子軌起兵討裕兵敗遂與 陳謝神瑞中裕收休之子文實兄子文祖並殺之乃討 · 這逐逐奔慕容德及玄誅還建業復為荆州刺史休 也晉度江之後進子孫襲封旗王至休之父恬為鎮北 司馬休之字季豫河內溫人晉宣帝季弟熊王進之後 )頗得江漢人心其子文思繼其兄尚之為熊王謀圖 軍青究二州刺史天與五年休之為荆州刺史被 裕裕執送休之令為其所休之表廢文思并與裕書

善於其職聽斷百姓不得匿其情進爵熊王位懷荒鎮 璠池陽子道賜不平而偽親之國璠性疎直因醉欲 大將軍右光禄大夫始平公臨日聲文思與淮南公國 叛文思告之皆坐誅以文思為廷尉賜爵鬱林公文思 司馬楚之字德秀晉宣帝太常道之八世孫也父榮期 王子道賜等數百人皆將妻子降長孫萬卒贈征

文思及宗之奔姚與裕減姚弘休之與文思及晉河

欽

定四庫全書

英氣能折節待士及宋受禪規欲報復收衆據長社歸 遇害楚之乃逃匿諸沙門中濟江至汝顧問楚之少有 晋益州刺史為其參軍楊承祖所殺楚之時年十七送 狀告遂要身以事之其推誠信物得士心皆此類也明 謙病果自齊湯樂往省之謙感其意出也首於席下以 之者常萬餘人宋武深憚之遣刺客沐謙圖害楚之楚 父喪還丹陽會劉裕誅夷司馬氏叔父宣期兄貞之並 之待謙甚厚謙夜詐疾知楚之必來欲因殺之楚之聞

後還宋將裴方明胡崇之冠仇池楚之與淮南公皮豹 部鼓吹破宋將到彦之别軍於長社又與冠軍安頡攻 尋後入朝授安南大將軍封琅邪王以拒宋師賜前後 史奚斤既平河南以楚之所率人户分置汝南汝陽南 拔滑臺禽宋將未修之李元德及東郡太守申謨俘萬 頓新蔡四郡以益豫州太武初楚之遣妻子內居於鄰 元末山陽公奚斤略地河南楚之遣使請降授荆州刺 人上疏求更進討太武以兵久勞不從以散騎常侍

在邊二十餘年以清儉者聞及薨贈征南大將軍領護 中鎮西大將軍開府儀同三司雲中鎮大將朔州刺史 這與楚之軍截驢耳而去有告失驢耳者楚之曰必與 北將軍封沓亡入蠕蠕說令擊楚之以絕糧運蠕蠕乃 在蠕蠕楚之與濟陰公盧中山等督運以繼大軍時鎮 賊截之為驗耳賊將至矣乃伐柳為城灌水令凍城立| 子等督關中諸軍擊走方明禽崇之仇池平而還車駕 而賊至不可攻逼乃走散太武聞而嘉之尋拜假節侍 定匹庫全書

贈司空公益康王金龍初納太尉隴西王源賀女生子 之同入魏拜中書博士馬門太守卒楚之後尚諸王女 牧捷女太武妹武威公主所生也有罷於文明太后故 鎮西大將軍開府雲中鎮大將朔州刺史吏部尚書薨 延宗次纂次悦後娶沮渠氏生子徽亮即河西王沮渠 河内公主生子金龍字祭則少有父風後襲爵拜侍中 西戎校尉揚州刺史諡貞王陪葬金陵長子寶盾與

以徽亮襲例降為公坐連穆泰罪失爵卒悦字慶宗歷

定日事全書

赤 自 道路那縣人疑張堤為劫又於堤家得錢五干堤懼 及 曰 位豫州刺史時有汝南上蔡董毛奴者齊錢五千死於 奴所衣皂襦及祖伏法悦察禄多此類也俄與鎮南 刀削 之有郭門前曰此刀削門手所作去歲賣與郭人董 誣言殺至州悦觀色疑其不實引見毛奴兄靈之謂 悦收及祖話之及祖款引靈之又於及祖身上 人取錢當時狼狼應有所遺得何物靈之曰唯得 悦 取視之曰此非里卷所為也乃名州內刀匠

襲爵位都水使者坐通西魏賜死子孝政襲齊受禪例 史諡曰莊子子朏襲朏尚宣武妹華陽公主拜射馬都 改為豫州刺史論前熟封漁陽子水平元年城人白早 將軍元英攻克義陽路改梁司州為郢州以悦為刺史 裔字尊角少孤有志操起家司徒府參軍事後為員外 降朏弟裔 尉員外散騎常侍卒贈滄州刺史子鴻字慶雲性麗武 生謀為叛遂斬悦首送梁記揚州移購悦首贈青州刺

勞項之河內有四千餘家歸附並裔之鄉舊乃命領河 散騎常侍大統三年大軍復弘農乃於温城送款歸西 封商商解曰立義之士遠歸皇化者皆是其誠心內發 能率衆入關者並加重賞裔領户干室先至周文欲以 豈裔能率之子今以封裔便是賣義士以求祭周文善 魏六年授北徐州刺史八年入朝周文帝嘉之特蒙賞 郡守令安集流人十五年周文令山東立義諸將等

四庫全書

而從之授帥都督拜其妻元為襄城郡公主周孝閔帝

宇甲随喪庭無所的為起祠堂馬贈本官加四州刺 遣使宣示禍福羣蠻率服歷信潼二州刺史六年徵 東討商與少師楊捌守軒關即授懷州刺史天和初 践作除巴州刺史進使持節縣騎大將軍開府儀同 事生産所得俸禄並散之親戚身死之日家無餘財宅 大將軍除西寧州刺史未及部卒於京師裔性清約 司進爵琅邪縣伯四年為御正中大夫進爵為公大軍 上庸公陸騰討信州及蠻冉令賢等裔自開州道入先 欽 定四庫全書 隨

州 樂安郡守以軍功加縣騎大將軍開府儀同三司遷究 諡曰定子侃嗣侃字道還少果勇未弱冠便從我旅位 刺史未之部卒贈本官加豫州刺史諡曰惠子運嗣

中鎮將拜朔州刺史假安北將軍河內公表求罷河西 金龍弟躍字寶龍尚趙郡公主拜尉馬都尉代兄為雲

苑封马人墾殖有司執奏此苑麋鹿所聚太官取給若

**马人懼有所關躍固請孝文從之還為祠部尚書大鴻** 賴川王師卒楚之父子相繼鎮雲中朔土服其威

叔璠晉安平獻王字之後父曇之晉河問王桓玄劉裕 太守改密陵侯卒子安國襲爵 爵景之兄準字巨之以泰常末歸魏封新安公除廣寫 景之字洪略晉汝南王亮之後明元時歸闕賜爵蒼梧 公加征南大將軍清直有節操卒贈汝南王子師子襲 助位並崇願 司馬氏桓玄劉裕之際歸北者又有司馬景之叔璠

際叔璠與兄國璠奔慕容超後投姚弘弘減奔屈丐

ج

dulo (W)

南將軍財馬都尉封丹陽王歲餘主薨更尚建與長公 妾吳氏間行降魏朝廷嘉重之尚武邑公主拜侍中征 究二州刺史 侯 統萬平兄弟俱入魏國璠賜爵淮南公叔璠賜爵丹陽 及廢主子業立疑视有異志视和平六年遂委母妻攜 (祖字休道宋文帝子也在宋封義陽王位徐州刺史) 助自云晉縣騎將軍元顯之子歸闕封東海公歷青 卷二十九

帝不答責視以母為其國妾宜如春秋前尝對楚稱 主復薨更尚平陽長公主昶好大馬愛武事入魏歷 往文彼所不納請停今答朝廷從之拜外都坐大官公 主皇與中宋明帝使至獻文的昶與書為兄弟式宋明 聞于御聽孝文每優假之不以怪問至於陳奏本國事 公坐諸王每侮弄之或戾手齧臂至於痛傷笑呼之聲 猶布衣皂冠同凶素之服然呵罵憧僕音雜夷夏雖在 臣之禮尋教昶更為書辭曰臣若改書事為二敬猶

定四車全書

代路經 處隕涕左右亦莫不酸鼻及至軍所將臨陣四面拜 懷畏避太和初轉內都坐大官及齊初記昶與諸将 之又加儀同三司領儀曹尚書於時改革朝儀記视 士自陳家國滅亡蒙朝廷慈覆辭理切至聲氣激 恒每至威念楚朴特苦引待南士禮多不足緣此人 語及征役則斂容涕泗悲動左右而天性偏躁喜怒 四横流三軍咸為感歎後祖恐水雨方降表請還 徐州哭拜其母舊堂哀感從者乃徧循 故居

表辭大將軍站不許及發帝親錢之命百僚賦詩贈昶 節都督吳越楚彭城諸軍事大將軍開府鎮徐州祖頻 每悲泣不已帝亦為之流涕禮之彌崇十八年除使持 七年孝文臨經武殿大議南伐語及劉蕭篡奪之事,利 足以當諸侯之禮但王者不遺小國之臣故劳公卿於 與蔣少遊專主其事祖條上舊式略不遺忘孝文臨宣 此又為中書監開建五等封昶齊郡公加宋王之號十 文堂引武興王楊集始入宴韶昶曰集始邊方之首不

莫不慨歎預營墓於彭城西南與三公主同些而異穴 發石界之墳崩壓殺十餘人後復移改公私賣害十九 勝殘事鐘文業雖則不學欲罷不能脱思一見故以 又以其文集一部賜视帝因以所製文筆示之曰時契 不能經邊懷物無接義故而閨門喧很內外奸雜舊吏 示雖無足味聊復為一笑耳其重视如是自视背彭城 是久矣昔齊宇山池並尚存立利更修繕還處其中

匹庫全書 |

年视朝京師孝文臨光極堂大選曰國家昔在恒代隨

帝日劉昶即其人也後給班劍二十人竟於彭城孝文 千載之後我得仿像唐虞卿等依稀元凱及論大將軍 賢才難得不可止為一人混我典制故令班鏡九流使 此殊為不可我令八族以上士人品第有九九品之 小人之官復有七等若尚有其人可起家為三公正恐 之學哀給溫明秘器贈假黄銭太傅領揚州刺史加 定四車全書 不然何者清濁同流混齊一等君子小人名品無 時制宜非通世之長法或言唯能是寄不必拘門

其故於靈太后太后敢清河王懌窮其事懌與高陽王 彭城長公主為財馬都尉先祖卒承緒子暉字重昌為 雅廣平王懷奏其不和狀請離婚削除封位太后從之 幸主侍婢有身主答殺之剖其孕子節解以草裝實婢 世子襲封尚宣武第二姊蘭陵長公主主嚴妬暉嘗私 事諡曰明昶嫡子承緒主所生也少而匹疾尚孝文妹 以殊禮備九錫給前後部羽葆鼓吹依晉琅邪王伯故 裸以示暉暉遂忿懷疎海公主公主姊因入聽講言

葬城西太后親送數里盡哀而還後執暉於河內温縣 煌為兵主因傷致薨太后親臨慟哭舉哀太極東堂出 墜牀手脚殿蹈主遂傷胎暉懼罪逃逸靈太后各清河 幽于司州将加死刑會赦免後復其官爵遷征虜將軍 檢忌主姑陳留公主共將扇獎與暉復致您節暉推主 主誠令謹救正光初暉又私淫張陳二氏女公主更不 王懌決其事二家女髡笞付官兄弟皆坐鞭刑徒配敦 公主在官內周歲雅等屢請聽復舊義太后流涕送公

守之將加害馬其家閥人顏文智與左右麻拱黃神家 蕭寶黃字程亮齊明帝第六子廢主實卷之母弟也在 中散大夫卒家遂衰頓 計穿牆夜出寶黃具小船於江岸脱本衣服著為中標 新定四庫全書 | 腰繫干許錢潛赴江畔躡屬徒步脚無全皮防守者至 齊封建安王及和帝立改封都陽王梁武克建業以兵

散乃渡西岸遂委命投華文祭文祭與其從天龍惠連

明追之實夤假為釣者隨流上下十餘里追者不疑待

皆受慰哈唯不見夏侯一族以其同梁故也改日造澄 客禮乃請喪君斬衰之服澄遣人晚示情禮以喪兄之 等三人棄家將實黃通匿山潤債驢乘之畫供宵行景 不飲酒食內較笑簡言一同極哀之節壽春多其故義 之時年十六徒步憔悴見者以為掠賣生口也澄待以 以禮延待馳告楊州刺史任城王澄澄以車馬侍衛迎 明二年至壽春東城戍戍主杜元倫推檢知實蕭氏子 給其齊衰實面從命澄率官僚赴吊實寅居處有禮

馬什物事從豐厚猶不及劉利之優隆也又任其募天 史鎮東將軍丹陽郡公齊王配兵一萬令據東城待秋 下肚勇得數千人以文智三人等為積弩將軍文祭等 冬大學寶黃明當拜命其夜慟哭至晨備禮策授賜車 南伐雖遇暴風大雨終不暫移是年梁江州刺史陳伯 澄深器重之及至京師宣武禮之甚重代訴關下請兵 所陳時不可失以寶黃怨誠除使持節都督東揚州 之與其長史褚胃等自壽春歸降請軍立效帝謂伯之

寶夤接對報復不失其理正始元年寶夤行達汝陰東 征與英頻破梁軍乘勝攻鍾離淮水汎溢寶夤與英狼 壽春寶黃率眾力戰破走之寶黃勇冠諸軍聞見者莫 城已陷遂停壽春之栖賢寺逢濕將姜慶真內侵圍逼 重過期猶絕酒內慘悴形色疏食廳衣未當好及被 不壯之還改封梁郡公及中山王英南伐寶夤又表求 命當南代貴要多相憑托門庭賓客若市而書記相尋 三人為强弩將軍並為軍主寶黃雖少羈萬而志性雅

之水平四年盧昶克梁朐山戊以琅邪戍主傅文驥守 雍和之禮雖好合而敬事不替寶黃每入室公主必立 之深師攻文驥昶督衆軍教之的寶黃為使持節假 以待之相遇如賓自非太妃疾為未當歸休實黃器性 免官削爵還第尋尚南陽長公主公主有婦德寶黃盡 引退士卒死没者十四五有司奏處以極法記起死 **庁匹庫全書** 自處以禮奉敬公主內外指榜清河王懌親而重

南將軍別將長驅往赴授起節度實重受的泣涕横流

刺史復其齊王遷冀州刺史及大乘賊起寶夤遣軍計 **壘火數日不滅又分遣將破梁將垣孟孫張僧副等** 軍事鎮東將軍以討之復封梁郡公照平初梁堰既 之頻為賊破臺軍至乃滅之靈太后臨朝還京師梁 小減乃遣北士千餘人夜度淮燒其竹木營聚破其三 淮 水將為楊徐之患實黃乃於堰上流更鑿新渠水乃 於浮山堰准以灌揚徐除實黃使持節都督東

定四庫全書

十四

咽良久後视軍敗唯寶黃全師而還延昌初除瀛

中為都督徐州刺史車騎大將軍乃起學館於清東朔 電表送其書陳其念毒之意志存雪復屢請居邊神龜 生之最首忠貞之美立朝之譽仁義之號處身之端自 爱之正光二年徵為尚書左僕射善於更職甚有聲名 望引見土姓子弟接以思顔與論經義勤於聽理吏人 京師為殿中尚書寶黃之在淮堰梁武寓書招誘之實 四年上表日竊惟文武之名在人之極地德行之稱為

淮北仍度准南焚梁徐州刺史張豹子等十一管及還

首相悦附共為屑齒飾垢掩疵妄加丹素趣令得階而 其殿最日久月遙散落都盡累年之後方求追訪無 是非遂使冠履相賀名實皆爽謂之考功事同汎陟紛 之主遷移數四或所奉之君身亡廢絕雖當時文簿記 紛漫漫焉可勝言又在京之官積年十考其中或所事 大名允兹令問自比以來官問高甲人無貴賤皆飾 假說用相聚學求者不能量其多少與者不能殿其 1. A.S. 十五

職惟九官任當四蘇授曰爾諧讓稱前往將何以克

咸歸守令厥任非輕所責實重然及其考課悉以六載 爲限是則一紀之中便登三級彼以實勞劇任而還貴 數句方應一直或朔望止於暫朝及其考日更得四年 為約既而限滿代還復經六年而飲是則歲周十二 官以求成身以請立上下相蒙莫斯為甚又勤恤人隱 已無所顧惜賢達君子未免斯患中庸已降夫復何論 一階於東南兩省文武開職公府散佐無事冗官或

之路至難此以散位虚名而升防之方甚易何內外之

軍介之使始無汗馬之勞或說與利之規終縣十一之 潤皆虚張無功妄指贏益坐獲數階之官籍成通顯之 故至慎至情殷勤若此况乎親非肺腑才再秀逸或充 請誠以賞罰一差則無以懲勸至公暫替則凱親相欺 恒自持也乃至周之詢為五叔無官漢之察察館陶徒 時湾隆殊世莫不寶兹名器不以假人是以賞罰之 夫人爵也古之人修其天爵而人爵從之故雖文質異 縣令厚薄之若此孟子曰仁義忠信天爵也公卿上

其事致而詔於王三歲則大計產吏之政而誅賞之愚 · 貴於是巧許前生偽辯鋒出役萬慮以求祭開百方而 一無取馬列上尚書覆其合否如此紀繆即正而罰之 謂今可粗依其準見居官者每歲終本曹皆明辯在官 日月具數才行能否審其實用而注其上下游辭宕說 周官太宰之職歲終則令官府各正所司受其會計聽 必和更張求其適調去者既不可追來者猶或宜改案 逐利抑之則其流已往引之則有何紀極夫琴瑟在於

外內考格裁非庸管之求博議以爲畫一若殊謀異策 尚書嚴加緘密不得開視考績之日然後對共裁量其 事關廢與遐邇所談物無異議者自可臨時斟酌匪拘 經奏之後考功曹别書於黃紙油帛一通則本曹尚書 不得方復推詰委下容其進退既定其優劣善惡交分 肆其傍通則蔓草難除涓流遂積穢我尋章撓兹大 例至如援流引比之訴貪崇求級之請如不限以 令僕印署留於門下一通則以侍中黄門印署掌在

提為首自稱秦王大提尋死其第四子念生竊號天子 豈區區於一堅哉但才雖庸近職居獻替愚衷寸抱 其何誅馬臣夢結禍深痛經骨髓日幕途遙報復無日 不申陳正德既至京師朝廷待之尤海嚴餘還叛初秦 典謂宜明加禁斷以全至化詔付外博議以為永式竟 州城人薛伯珍劉慶杜遷等反執刺史李彦推莫折大 無所改時梁武弟子西豐侯正德水降寶夤表曰正德 不親親安能親人脱包此凶醜寡之列位百官是象

5四月全 書

一年日天建置官係以息阿胡為太子其兄阿倪為西河 **黄開府西道行臺為大都督西征明帝幸明堂以餞之** 實資與大都督崔延伯擊天生大破之追奔至小龍進 生率衆出職東遂冠雅州屯於黑水朝廷甚爱之除實 王弟天生為高陽王伯珍為東郡王安保為平陽王天 討念生戰敗奔於胡琛琛以伯度為大都督秦王資其 呂伯度兄弟始共念生同送後與兄界保於顯親聚泉 討高平賊的万侯醜奴於安定更有負捷時有天水人

欽定四庫全書

士馬還征秦州大破念生將杜粲於城紀又破其金城 念生事迫乃詐降於實養朝廷嘉伯度立義之功授徑 假大將軍尚書今給前後部鼓吹寶黃初自黑水終至 州刺史平秦郡公而大都督元修義高津停軍龍口久 王莫折普賢於水洛城遂至顯親念生率衆身自拒戰 不能制孝昌二年除實黃侍中縣騎大將軍儀同三司 不西進念生復及伯度為聽奴所殺故賊勢更甚寶黃 又大敗伯度乃背胡琛遣其兄子所和率騎東引大軍

軍雅州刺史開府西討大都督自關以西皆受節度九 還雅州有司處寶夤死罪的恕為編户四月除征西將 力三年正月除司空公出師既久兵將疲弊是月大敗 月念生為其常山王杜粲所殺合門皆盡粲降實寅十 平涼與賊相對年年攻擊賊亦憚之關中保全寶黃之

北人情沮喪實蛋自以出師累年麼費尤廣一旦復敗

月除尚書令復其舊封時山東關西冠賊充斥王師屢

慮見猜責內不自安朝廷頗亦疑阻及遣御史中尉點

大型日 tal de data

緒元年立百官部尚書僕射行臺長孫承紫討之時北 達陰盤驛寶夤容遣其將郭子恢等攻殺之而詐收道 道元為關中大使實黃謂密欲取已將有異圖問河東 地毛鴻賓與其兄遐紀率鄉義將討實黃實黃遣其將 元尸表言白賊所害遂反僭舉大號大赦其部內稱隆 亂臣十人亂者理也大王當理關中何所疑處道元行 望且語言鸞生十子九子獨一子不强關中亂武王有 柳楷楷曰大王齊明帝子天下所屬今日之舉實九人

李神偽黄門侍郎高道穆並與寶夤素舊二人相與左 間個門外都街中京師士女聚觀凡經三日吏部尚書 岳等破醜奴於安定追禽醜奴及實資並送京師詔置 終德戰敗攜公主及其少子與部下百餘騎從後門出 道習時自外至莊帝問道習在外所聞道習曰唯聞陛 右言於莊帝云其逆迹事在前朝真將叛免會應詔王 遂奔万侯醜奴醜奴以實黃為太傅分未天光遣賀拔

侯然德往攻遐然德還圖寶黃軍至白門寶寅始覺與

就寶黃訣别慟哭極哀寶黃亦色貌不改寶黃三子皆 賊臣不剪法欲安施帝然其言乃於太僕馳牛署賜死 居得言之地必能全之道習因曰若謂實黃逆在前朝 便將恕之敗在長安為醜奴太傅豈非陛下御歷之日 了不爱懼唯稱推天委命恨不終臣節公主攜男女 刑神偽攜酒就之敌故舊因對之下泣寶寅夷然自 欲不殺蕭寶夤人云李尚書高黃門與寶夤周款並

定匹庫全書

公主所生並凡劣長子烈復尚明帝妹建德公主拜

中之死凱妻長孫承業女也輕薄無禮公主數加罪責 赞字德文本名綜初梁武减齊齊廢主東昏侯實卷宫 於東市妻暴首家遂滅實養兄子贊 凱竊街恨妻復或說之天平中凱遣奴害公主乃報凱 人異氏始孕匿不言及生赞深武以為己子封豫章王 及長學涉有才思其母告之以實贊畫則談聽夜則街

悲涕泣有濟陰苗文寵安定梁話賛曲加禮接割血自

馬都尉坐寶夤反伏法次子權與小子凱射戲凱天激

時在開西遣使觀察問其形貌級眉悲感朝廷賞賜豐 目元年秋届于洛陽陸見後就館舉哀追服三載寶黃 遭安豐王延明臨淮王或討之赞與寵話夜奔延明孝 渥禮遇隆厚授司空封高平郡公丹陽王及實黃及贊 誓布以心腹寵話感其情義深相然諸會元法僧以彭 預仍蒙慰免建義初轉司徒選太尉尚帝姊壽陽長公 叛入梁梁武命賛都督江北諸軍事鎮彭城時明帝 欲奔白鹿山至河橋為北中所執朝議明其不相干

欽定四庫全書 ·

南有子在魏無後 陽平病卒替機辯文義頗有可觀而輕薄似價猶有父 公主守操被害賛既棄州為沙門潛指長白山未幾至 城人趙洛周所逐公主被録送京分朱世隆欲相陵逼 主拜射馬都尉出為都督齊州刺史驃騎大將軍開 風普泰初迎其喪以王禮與公主合葬萬山元象初 人盗其喪還江東梁武猶以為子祔葬蕭氏墓馬贊江 定四軍全書 同三司寶黃見禽對拜表請實夤命分未兆入洛為 北史 干二

背梁奔魏魏朝以其人才庸劣不禮馬尋逃歸梁梁武 蕭正表字公儀梁武帝弟臨川王宏之子也在梁封山 貌豐美而性理短暗初梁武未有子以正表兄西豐侯陰縣侯位北徐州刺史鎮鍾離正表長七尺九寸雖質 為侯景所推盤桓不赴援景尋以正表為南兖州刺史 不之罪封為臨賀王侯景將濟江知正德有恨密與交 正德為子及自有子正德歸本私懷念憾以正光三年 許推為主正德以船迎之景度攻揚州正表聞正德

二年侯景圍建業祗聞臺城失守遂來奔以武定七年 寬人慢抵獨益以嚴切梁武悦之還北究州刺史太清 儀在深封定襄縣侯位東揚州刺史于時江左承平政 蕭被字敬式梁武帝弟南平王偉之子也少聰敏美容 封南郡王正表遂於歐陽立柵斷梁援軍南究州刺史 年據州內屬封蘭陵郡王尋除侍中太子太保開府係 南康王蕭會理遣兵擊破之正表走還鎮離以武定七 同三司薨贈司空公諡曰昭烈子廣壽

前刷庭飲吸午後更不下樹每臨時舒翅悲鳴全似哀 聞所居盧室前有二慈烏來集各據一樹為果自千以 還南俄而西魏克江陵遂留點卒贈中書監車騎大將 至鄰齊文裏令魏收那部與相接對歷位太子少傅領 軍揚州刺史子放字希逸隨祗至對祗卒放居喪以孝 平陽王師封清河郡公齊天保初授右光禄大夫領國 子祭酒時梁元帝平侯景復與齊通好文宣欲放抵等 炭匹庫全書 ■ 老二十九

泣家人則之未當有關時以為至孝所感服閣襲爵武

平中待路文林館放性好文詠頗善丹青因此在宫中 蕭退梁武帝弟司空都陽王恢之子也退在梁封湘潭 者待累遷太子中庶子散騎常侍 南士中稱為長者歷著作佐郎待記文林館卒於司徒 位金紫光禄大夫卒子慨深沉有體表好學善草隸 侯位青州刺史建業陷與從兄私俱入東魏齊天保中 披覽書史及近世詩賦監畫工作屏風雜物見知遂被 duto | 一十四

**東日日年** 

義與郡公授蔡州刺史政存簡惠深為吏人所安卒官 歸西魏以名犯周文帝諱稱字焉拜開府儀同三司封 泰馬兼太常卿桂陽內史未至郡屬于謹平江陵遂隨 蕭泰字世怡亦恢之子也在梁封豐城侯位熊州刺史 為水州刺史保定四年大將軍權景宣略地河南泰遂 泰泰以州輸琳時陳武帝執政徵爲侍中不就乃奔亦 侯景襲而陷之因被執尋逃至江陵梁元帝平侯景以 兄修佐郢州及修卒即以泰為刺史湘州刺史王琳襲

子寶嗣實字季珍美風儀善談笑未弱冠名重一時隋 太子勇事誅時人寛之 文帝輔政引為丞相府典議開皇中至吏部侍郎後坐 尊號時宗室在蜀唯為一人封捣秦郡王紀率衆東下 表在深封永豐縣侯東魏遣李指盧元明使梁梁武帝 郎累遷東巴西梓潼二郡守及侯景作亂武陵王紀稱 蕭為字智退梁武帝弟安成王秀之子也性温裕有樣 以搞辭令可觀令無中書侍郎受幣於賓館歷黃門侍

升擅歌血立盟以城歸魏授侍中開府儀同三司封歸 將軍尉遲迎總衆討之迎入劔閣長驅至成都為見兵 以搞為尚書令征西大將軍都督益州刺史守成都又 老兼有疾疹請在外著書的許之保定元年授禮部中 令梁州刺史楊乾運守潼州周文帝知蜀兵寡弱遣大 文儒於麟趾殿校定經史仍撰世譜搞亦豫馬尋以母 善縣公周関帝踐作進爵黃臺郡公武成中明帝令諸 不满萬人而倉庫空竭於是率文武於益州城北共迎 田屋相中 卷二十九

大夫又以歸款功别賜食多陵縣五百户收其租賦三 繫悉放歸家聽三日然後赴獄主者争之搞曰昔王長 年出為上州刺史為政以禮讓為本皆至元日微中囚 聚等四人俱為文學博士搞以母老表請歸養私門帝 美之及為入朝屬置露門學武帝以為與唐瑾元偉王 心諸囚荷恩並依限而至吏人稱其惠化秩滿回還部 虞延見稱前史吾雖寡德竊懷景行以之獲罪彌所甘 人季漆等三百餘人上表乞留更兩載諂雖不許甚嘉 定四庫全書

蕭圓肅字明恭梁武帝之孫武陵王紀之子也風度淹 中外府記室後至浦陽郡守 意所者詩賦雜文數萬言頗行於世子濟字德成少仁 刺史諡曰襄為善草隸書名亞王褒算數醫方咸亦留 弗許尋以母憂去職歷少保少傅改封蔡陽都公卒武 雅敏而好學紀稱尊號封宜都王除侍中紀下峽令圓 厚頗好屬文為東中郎將從為入朝周孝関帝践作除 帝舉哀於正武殿贈使持節大將軍大都督少傅益州

一時人詩筆為文海四十卷廣堪十卷准海離亂志四卷 書勞問改授豐州刺史尋進位上開府儀同大將軍歷 司宗中大夫洛州刺史進位大將軍隋開皇初授貝 有政績尋改授太子少傅作少傅箴太子見而悦之致 煎別賜食思君縣五百户收其租賦後拜咸陽郡守甚 肅副蕭搞守成都及尉遲迎至與搞俱降授開府儀同 三司侍中封安化縣公周明帝初進棘城郡公以歸款 史以母老請歸就養許之卒於家有文集十卷又撰

足可車 全書

北史

行於世 蕭大園字仁顯梁簡文帝第二十子也幼而聰敏年四

梁大寶元年封樂梁郡王丹陽尹屬侯景殺簡文大園 歲能誦三都賦及孝經論語七歲居母喪便有成人性

潛道獲免景平歸建業時喪亂之後無所依乃寓居善

覺佛寺人有以告王僧辯乃給船鎮得往江陵梁元帝

見之甚悦賜以越衫胡帶改封晉熙郡王除琅邪彭城

||二郡太守時大園兄汝南王大封等猶未通謁元帝性

繼出謁元帝乃安之大園恐讒親生乃屏絕人事門客 尼刻甚恨望之乃使大園白之大園即日晚諭兩兄相 讀詩禮書易為事元帝當自問五經要事數十條大園 左右不過三兩人不妄遊狎兄姊間止機疏而已恒以 質也出至軍所信宿元帝降魏恭帝二年大園至長安 既有之臨淄好文爾亦兼之然有東平為善彌萬前載 及于謹軍至元帝乃令大封充使請和大園副馬其實 約指明應答無滯帝甚歎美之因曰昔河間好學爾

始寧縣公尋加大園車騎大將軍儀同三司俄而開 周文帝以客禮待之保定二年大封為晉陵縣公大園 慮我忘之未從償獲展禽之免有美慈明之進如蒙北 果心安開放當云拂衣褰裳無吞舟之漏網挂冠縣節 見之乃手寫二集一年並畢識者稱數之大園深 叟之放實勝濟南之徵其故何哉夫問問者有優遊之 欽 殿招集學士大園預馬梁武帝集四十卷簡文集 卷各止一本江陵平後並藏秘閣大園入麟趾方得 定四庫全書 信 因

陶朱成術於辛文良有以馬況乎智不逸奉行不高 美朝廷者有替佩之累盖由來久矣留侯追蹤於松子 山之北棄絕人間南山之南超踰世網面修原而帶 欲辛苦一生何其僻也豈如知足知止蕭然無累孔 倚郊甸而枕平鼻築蝸舍於叢林構環堵於幽海近 翔禽於百仍俯泳鱗於千尋果園在後開窗以臨 烟霧遠睇風雲精纖草以陰長松結幽蘭而援芳 **圃居前坐簷而看灌明二項以供館粥十畝以** Ē

絲麻侍兒五三可克維織家僮數四足代耕耘沽酪牧 時披良書採至贖歌纂纂唱烏烏可以好神可以散慮 書露葵徵尹君之録烹羔豚而介春酒迎伏臘而候歲 遊帝王之門趙宰衡之勢不知飄塵之少選寧覺年祀 不可支永保性命何畏愛責豈若處足入絆申頭就羈 有 朋自遠楊權古今田畯相過劇談稼穑斯亦足矣樂 協潘生之志畜雞種泰應莊叟之言獲叔尋汜氏之 須萬物營營靡存其意天道昧昧安可問哉嗟平


其迅萬百年幾何聲跟曲奉四時如流仍眉躡足出處 無成語點奚當非直丘明所恥抑亦宣尼恥之建德四 人生若浮朝露寧侯長絕繫景實所願言執燭夜遊臨 曰言之妄也如使有之亦不足怪昔漢明為世祖紀章 平餘傳乃可抑揚帝紀奚若隱則非實記則攘羊 除滕王適友適當問大園曰吾聞湘東王作梁史有 蝕彰於四海安得而隱之蓋子為父隱直在其中諱 為顯宗紀殷鑒不遠足為成例且君子之過如日 定四車全書一 月

能無七乎所謂君以此始必以此終居數月齊氏果滅 聞者以為知言隋開皇初拜內史侍郎卒於西河郡 撰梁舊事三十卷寓記三卷士喪儀注五卷要決兩卷 師遂克不對曰高數昔以晉州肇基偽迹今本既拔 之惡抑又禮也適乃大笑後大軍拔晉州或問大園 日諸司馬以亂亡歸命楚之最可稱乎其餘碌碌未 文集二十卷大封位開府儀同三司陳州刺史

足論也而以往代遺緒並當位遇可謂幸矣劉祖猜

喪其家業寶寅背恩忘義景稅其心漸發臨邊脱身晚 盛當位遇雖有枕戈之志終無鞭差之成視諸子狂疎 李子弟奔亡正表動不由仁胡顏之甚祗退泰為圓肅 去警賊龍禄頓臻顛狽旋至信吉山之相倚也梁氏云 事君臣之道既為家國之情亦隆金石不足比其心河 質亦何能至於此也方武陵確果東下任為以蕭何之 大園等雖羁旅異國而終享樂名非素有強基懷文抱

懼禍蕭衛亡破之餘並潜骸電影委命上國俱稱晓了




卷二十九

尋尚南陽長公主公主有婦德寶黃盡雅和之禮〇寶 蕭寶黃傅文崇與其從天龍惠連等三人〇從字下魏 劉昶傳承緒子暉字重昌為世子襲封〇魏書起長子 馬楚之傳唯得一刀削〇削魏書作鞘 書有子字 文遠次輝字重昌今上文云起嫡子承緒此云承緒 子暉恐有誤 北史卷二十九考證 北史

蕭正表傳景度攻揚州〇度字下一本有江字 **費傳孝昌元年○元年監本誤宗悲今改從魏書** 初秦州城人薛伯珍劉慶杜選等及〇魏書無伯字殆 夤上魏書有事字 北史卷二十九考證 因下文莫折念生有弟伯珍而誤也 差二十九芳證

第二十二頁前二行介未兆入洛刊本入能父據 謹案第十一頁後八行與其從天龍惠連等案魏 毛本改 書作從子天龍惠連等



校 對 胨 官 官 録 楡 縞 討 修

臣

王

臣

劉

種

坦 修

監 生

臣

沈

欽定四庫全建

香堂要 北史卷三十

群校官內閣侍該正路 球

盧玄字子真光陽派人也曾祖湛晉司空劉琨從事中 **シミョ車** 史卷三十 四庫 光 唐 子 從弟勇 賁 從弟 d la 明 文宣 李 思 會要卷四千八百四十一史部 道 叔 北史 彪潜 昌 延 衡 虚同子斐 虚柔子性 盧誕 壽 辩凡 子 光 景 撰 裕

竟於不納浩敗頗亦由此後賜爵固安子散騎常侍使 宋宋文帝與之言嘉歎良人曰中郎卿曾祖也還遇疾 首授中書博士遷侍郎本州大中正使馬弘稱臣請 其時樂為此者記幾人也宜三思治當時雖無以異之 守皆以儒雅稱神屬四年太武辟名天下儒信以玄為 更深浩大欲齊整人倫分明姓族玄曰創制立事各有 郎祖偃父邀並仕慕容氏偃為管丘太守遊為范陽太 兄司徒崔浩每與言輒歎曰對子真使我懷古之情

字子遷幻聰達有計數為中書學生應選東宮弱冠與 尚書光禄大夫范陽子度世後以崔浩事棄官逃於高 從兄遇俱以學行為時流所重遇特為在浩所敬位至 歸鄉卒贈平東將軍幽州刺史固安侯益曰宣子度世 陽鄭麗家嚴匿之使者囚熙長子將加捶楚嚴誠之曰 以報其恩大武臨江宋文使其殿上將軍黄延年至帝 至火勢其體因以物故卒無所言度世後令弟娶熊妹 君子殺身以成仁汝雖死勿言子奉父命遂被拷掠乃

宋應對宋侍中柳元景失東還被禁劾經年乃釋除濟 立保太后父遼西獻王廟進爵為侯後除散騎侍郎使 其俘屬二境以寧後坐事免尋除青州刺史未拜卒益 沒者度世乃出拜中書侍郎襲爵與安初無太常卿 定匹库全書 曰都下無間當必不至帝的東宫故度世宗族逃亡 刺史州接邊境將士數相侵掠度世乃禁勒所統還 曰盧度世坐與崔浩親通逃命江表應已至彼延年

曰惠四子伯源敬祖尚之初玄有五子唯度世嫡餘皆

度世有子每誠絕妄嬖以防後患至伯源兄弟婢妄生 伯累加秘書監本州大中正時孝文帝將立馬后先 生崔浩之難其庶兄弟相欲害之度世常深念恨 一誕有盛寵深以為恨伯源不以介懷及孝文議伐齊 雖形貌相類皆不舉接為識者所非 奉粉如此然臣心實有未盡及朝臣集議執意如前 伯源請更問下帝曰以先后之姓朕意已定伯源曰 推寡欲有祖父風敦尚學業閨門和睦襲侯爵 .... 1. J. J. 1. 北史 伯 源小名陽

甚盛望瑜公輔後二十餘年當制命關右願不相忘此 人王逵曰諸君皆不如此盧郎 請長安將還銭送者五十餘人别於渭北有相者扶風 萬口唯泉首惡餘悉不問站無侍中初伯源年十四當 尋以齊武帝阻停師時涇州惹叛残破城邑伯源以步 六千號三萬徐行而進未經三旬賊衆逃散降者數 源表以為萬承親我轉運難繼的雖不從而優答之 也相者年過八十請軍門請見言叙平生未幾守儀 **灾匹庫全**書 雖位不副實然得聲名

南 安南將軍督前鋒諸軍徑赴樊鄧幹以儒生不行軍事 無太尉長史後為徐州京兆王偷無長史偷時年少事 曹尚書及齊雍州刺史曹武請降乃以伯源為使持節 巨細多次於伯源伯源以誠信御物甚得東南人和 徐州刺史沈陵密謀叛伯源属有表間朝廷不納陵 逃叛陵之餘黨伯源皆無而赦之唯歸罪於陵由是 降伯源乃進攻緒陽師敗坐免官爵尋遭母憂服関 不許伯源曰臣恐曹武為周紛耳陛下宜審之武果

)

). 1: I

北史

父爵而讓第八弟道舒詔不許道將引清河王國常侍 伯 書者在盧二門伯源與李沖特相友善沖重伯源門風 殿多其所題白馬公崔宏亦善書世傳衛雖體魏初工 累世有能名至邀以上無善草跡伯源習家法代京宫 衆心乃安景明初卒於秘書監年四十八贈幽州刺史 復本爵固安伯益曰懿初湛父志法鍾繇書子孫傳業 意遇頗亦由沖伯源有八子長子道將字祖紫應襲 源私沖才官故結為婚姻往來親密至於伯源尚孝 正屋 有 智 卷三

者卒官懷祖弟懷仁字子友涉學有辭性恬靜蕭然有 太學博士員外散騎侍郎卒子莊少有美名位都水使 彭城王魏任城王澄皆虚於相待魏為中軍大將軍群 之立祠優禮儒生属勸學業敦課農桑墾田歲倍卒於 韓子熙讓弟采魯陽男之例站乃許之道將涉獵經史 司徒司馬贈太常卿益日獻所為文筆數十篇子懷祖 行参軍累遷燕郡太守道將下車表樂毅霍原之墓為 風氣審諤頗有文才為一家後來之冠諸父並敬憚之

思道字子行聰爽俊辯通说不羈年十六中山劉松為 官學士道將弟道亮字仲紫隱居不仕子思道 絕言吾處李孟之間去其太甚行以為然子彦卿有學 檢善與人交與琅邪王行雕西李壽之情好相得常語 者詩賦銘頌二萬餘言撰中表實録二十卷懷仁有行 行云昔太丘道廣許的知而不顧嵇生峭立鍾會遇而 仕隋位御史撰後魏紀三十卷貞觀中位石門令東 雅致歷太尉記室弘農郡守不之任上居陳留界所定四庫至書

歃

學無者然不持操行好輕侮人物齊天保中魏史成思 道多所非毀由是前後再被笞辱因而落泊不調後左 僕射揚導彦薦之於朝解褐司空行参軍長無員外散 歎曰學之有益宣徒然哉因就魏次借異書數年間才 師事河間刑子才後復為文示松松不能甚解乃明然 人作碑銘以示思道思道讀之多所不解乃感激讀書 騎侍郎直中書省文宣帝崩當朝文士各作挽歌十首

擇其善者而用之魏收陽休之祖孝徵等不過得一二

行部文林館周武帝平齊授儀同三司追赴長安與同 然感慨為五言詩見意世以為工後為給事黄門侍郎 中語出為丞相西問祭酒歷太子舍人司徒録事祭軍 首唯思道獨有八篇故時人稱為八米盧郎後漏泄省 時人所重新野庾信倫覽諸同作者而深歎美之未幾 每居官多被譴辱後以擅用庫錢免歸家當於薊北帳 母疾還鄉遇同郡祖英伯及從兄昌期等舉兵作亂思 -陽休之等數人作聴蟬鳴為思道所為詞意清切為 灾匹库全書

守位下不得志為孤鴻賦以寄其情其序曰余志學之 道預馬柱國宇文神舉討平之思道罪當斬已在死中 歲自鄉里遊京師便見識知音歷受奉公之春年登弱 舉嘉而有之後除掌教上士隋文帝為丞相遷武陽太 本為批性實跡賴勢力貨殖淡然不管雖龍絆朝市且 以下皆分庭致敬倒展相接前拂吹虚長其光價而才 冠甫就朝列談者過誤遂竊虚名通人楊令君那特進 神學素聞其名引出令作露布接筆立成文不加點神

金欽 三十載而獨往之心未始去懷抱也攝生外和有少氣 余置諸池庭朝夕賞翫既用銷憂無以輕疾大易稱鴻 魚鳥為隣有離犀之鴻為羅者所獲野人馴養貢之於 疾分行坐嘱作守東原洪河之涓沃野彌望罰務既屏 陰偶影獨立宴味批拜鶏鶩為伍不亦傷乎余五十之 其雅步清音遠心髙韻寫鸞已降罕見其傷而銀翮墙 云東歸碣石違溽暑也平子賦南翔衡陽避祁寒也若 定四庫全書 於陸羽儀盛也揚子曰鴻飛冥冥獨書高也淮南子

賤刑名誠為不可又陳殿庭非杖罰之所朝臣犯笞罪 內史侍郎事于時議置六卿將除大理思道上奏曰省 所陵轉由是官途淪滞既而又者勞生論指切當世歲 有駕部寺留太僕省有刑部寺除大理斯則重高産而 餘奉記郊勞陳使頃之遭母憂未終起為散騎侍郎於 年忽馬已至永言身事慨然多緒乃為之賦即以自慰 云開皇初以母老表請解職優的許之思道情才地多

欴

定四華全書

北史

以贖論上悉嘉納之是歲卒于京師上甚惜之遣使

道完弟道裕字寧祖少以學尚知名風儀無美尚獻文 女樂浪長公主拜騎馬都尉歷位中書侍郎太子中庶

吊祭馬集二十卷行於世子赤松大業中位河東縣長

慶祖粗閑經史無通算術尚孝文女濟南長公主拜騎 子幽州大中正卒於涇州刺史諡曰文道裕弟道度字

宣武秘其事不苦窮之後靈太后追主患事點道度令 馬都尉公主騎淫聲藏退圖無疾暴売時云道度所害

終身不仕道度外生李或尚莊帝姊豐亭公主因相籍

尚書同家於草屋下設鷄黍之膳談者以為高昧旦將 道度好禮學難齊尚書令王儉丧服集記七十餘條為 又娶司馬氏有子昌裕後司馬氏見出更聘元氏甚聰 將軍卒官贈尚書右僕射司空公贏州刺史益曰文恭 伯 一省必見其弟然後去奴在馬上彈琵琶道度聞之杖 一百公主二子昌萬昌仁昌萬不慧昌仁早卒道度 天平中歷都官尚書本州大中正坐州刺史加衛大 定四車全書 北史

託永安中除輔國將軍通直常侍以議歷熟賜爵臨

妙 昌 ,博涉經史工草行書從弟思道小字釋奴宗中稱英 常升高座講老子道度從弟元明隔紗偉以聽馬元 衛字子均小字龍子沉靖有才識風神澹雅容止可 仕魏無太尉外兵參軍來受禪歷平恩令右僕射祖 昌衝與之俱被推重故坐州語曰盧家干里釋奴龍 生二子昌期昌衛昌衛最知名

孝徵薦為尚書全部郎孝徵每曰吾用盧子均為尚書 自謂無愧幽明始天保中尚書王昕以雅談獲罪諸

士與太宗伯斜斯徵修禮令隋開皇初拜尚書祠部侍 流之士後無散騎侍郎迎勞周使周武平齊授司玉中 彭城劉珉河南陸彦師雕西年德源王循竝為後進風 名吏部尚書蘇威考之曰德為世表行為士則論之者 郎文帝當大集羣下令自陳功人皆競進昌衡獨無所 廷每令昌衡接對之未幾出為徐州總管長史甚有能 言左僕射高賴目而異之陳使賀徹周濱相繼來聘朝 实足日華 和 · 北史

弟尚守而不墜自兹以後此道浸微昌衛與頓丘李若

史仁壽中奉記持節為河南道巡省大使及還以奉使 表乞骸骨優站不許大業初徵為太子左庶子行結洛 情也君何謝馬拒而不受性寬厚不校皆此類也轉壽 稱旨授儀同三司賜物二百段昌衡自以年在縣車上 州總管長史字文述甚敬之委以州務歲餘遷金州剌 以為美談常行至沒儀所乗馬為人牛所觸致死牛主 謝求還價直昌衡謂曰六畜相觸自關常理此豈人

陽道一卒子實素實盾道度弟道侃字希祖沉雅有學尚

秀屬以秀所為不軌辭疾終於家道和弟道約字季恭 位司徒屬此州大中正與和末除衛大將軍死州刺史 景猷弘農太守景猷子士彦有風縣隋開皇中為蜀王 令譽位開府諮議卒妻謝氏與正通弟正思淫亂為御 在州頗得人和卒贈儀同三司幽州刺史子正通少有 位州主簿卒以弟道約子正達為後道佩弟道和字叔 雅兄弟之中人望最下位冀州中軍府中兵參軍卒子

史所劾人士疾之正思弟正山字公順早以文學見知

子長義信字遠慶早有學尚識度沈雅年九歲丧父便 中並得優贈道約第道舒字切安襲父爵位中書侍郎 有至性少為僕射李沖所歎美起家秘書郎累遷冠軍 為嬪位儀曹郎早卒贈威遠將軍范陽太守益曰靖五 卒子熙裕清虚守道有古人風襲熙裕為親表所敬伯 為行璽郎待的文林館正思兄弟以齊太后舅氏武平 將軍中散大夫以母憂去職坐州刺史王誦與之交欽 源弟敏字仲通小字洪崖少有大量孝文器之納其女

數日得以諮詢政道其見重若此後拜征屬將軍太中 信曰昔人不以一女易五男卿易之也義信曰所以不 目中除散騎常侍時靈太后臨朝黄門侍郎李神軌勢 大夫散秩多年澹然自得李神馬勸其干謁當途義信 從正謂此耳從恐禍大而連速誦乃握義僖手曰我聞 傾朝野求結婚姻義僖處其必敗拒而不許王誦謂義 曰既學先王之道,貴行先王之志何得尚求富貴也孝

הסד עי קיום

每與故舊李神雋等書曰盧冠軍在此時復惠存郵連

徳 妄交欽性清儉不管財利少時坐州頻遭水旱先有數 太尉記室麥軍義僖四弟並遠不建兄也 萬石穀貸人義僖以年穀不熟乃燔其契州問悦其思 都官尚書驃騎大將軍左光禄大夫義僖寬和畏慎不 有命不敢以告人遂適他族臨婚之夕靈太后遣中常 侍服景就家物停內外惶怖義僖夷然自若普泰中除 雖居顯位每至困乏麥飯蔬食怡然甘之卒贈大將 儀同三司贏州刺史諡曰孝簡子遜之清靖寡欲位

當晚會是朕物鄉等欲言便言無相疑難又勃副使王 道將而齊明以朝廷加兵遂酷遇之祖等本非骨鯁大 清石曰卿莫以南人語致疑盧昶若被先有知識欲見 無員外散騎常侍使於齊孝文的犯曰客過江揚不早 見於色貌及至彼遇齊明立孝文南討、恐兄伯源為别 作詩莫以祖不作便罷也凡使人以和為貴勿相於今 敏弟 视字叔達小字師顏學涉經史早有時譽太和中 但見須論即論昶正寬柔君子無多文才或主客命卿 datio 🧳 北史

巨人

常侍無尚書時洛陽縣獲白鼠昶奏以為案瑞典外鎮 寧辭氣塞愕逐以壯烈死於館中超還孝文青之曰 長纓羈首已是可恨乃俛眉飲啄自同犬馬有生必死 命之禮有死無辱雖流放海隅猶宜抱節致殞鄉不能 唇君父縱不能逐點蘇武寧不近愧思寧遂見罷點景 修短幾何卿若殺身成名貼之竹素何如甘彼芻殺以 怖淚汗橫流齊明以腐米臭魚並豆供之而謁者張思 初除中書侍郎選給事黄門侍郎本州大中正散騎

尚書尋即正仍侍中视守職而已無所激楊與侍中元 降梁视見城降先走退諸軍相尋奔逝遇大寒軍人凍 掩視耳目將士怨之朐山戍主傅文職糧熊俱盛以城 暉等更相朋附為宣武所罷時人鄙之出為徐州刺史 死及落手足者大半自魏經略江右唯中山王英敗於 因陳時政多所勸誠記書褒美其意轉侍中又無吏部 刺史二千石令長不祗上命刻暴百姓怨嗟則白鼠至 定四車全書 既儒生本少將略又羊社子變為利司馬專任我事 北史

復任未钱拜太常即仍除雅州刺史進號鎮西將軍加 子元幸字中訓無他才能尚孝文女義陽長公主拜尉 鎖裡窮其敢狀站以免官論月餘將統以下悉聽依於 州戍兵有疾親自檢恤至番兵年尚不歸容充後後終 散騎常侍卒官盖曰移祖寬和於恕善於綏懷其在徐 離祖於朐山失利最為甚馬宣武遣黃門甄琛馳驛 都尉位太尉司馬光禄大夫卒贈中書監子士晟儀 政然後始還人庶稱之

今夢詩復如此必有他故經三日果聞由為亂兵所害 後市朝不復遊元明數曰由性不狎俗旅寄人問乃有 欽受之及或開府引為無屬仍領部曲孝武登作以郎 義風彩附潤進退可觀永安初長無尚書令臨淮王或 乃作坐居賦馬於時元明友人王由居賴川忽夢由攜 任行禮封城陽縣子還中書侍郎永熙未居洛東綠山 同開府據元書第五弟元明字幼章沙歷羣書無有文 就之言别賦詩為贈及明憶其詩十字云自兹一去

善自標置不妄交遊飲酒賦詩遇與忘返性好玄理作 史子雜論數十篇諸文別有集録少時常從鄉還洛途 尋其亡日即是發夢之夜天平中無更部即中副李詣 年在史館了不措意又無黃門郎本州大中正元明 帛及馬而别元明凡三娶次妻鄭氏與元明兄子士 相 梁南人稱之還拜尚書右丞相轉散騎常侍監起居 風神唯須誦離騷飲美酒自為佳器逐留之數日 州刺史中山王熙熙博識之士見而歎曰盧郎有 厚全意 を三十

定 匹 空行參軍文甫弟文異字仲祐少甚輕躁晚頗改節 吏部尚書幽州刺史益曰宣昶弟尚之字季儒小字美 夏亦以儒素見重位司徒左長史前將軍濟州刺史光 啓淫汙元明不能離絕又好以世地自於時論以此貶 不平手刃其客位輔國將軍司徒司馬贈縣騎大將軍 之元明弟元緝字幼緒克麤好酒自於婦氏飲宴小有 大夫長子文南字元祐涉歷文史有名譽於時位司

北史

為奴誣告謀反文宣明之以奴付替潜不之青黃門郭 王岳校江陵特赦潜為岳行臺即還歷中書黃門侍郎 即中坐議議魏書與王松年李庶等俱被禁止會清河 左右曰我有盧潜便是更得一王思政天保中除左户 識潜常從容白文襄思政不能死節何足可重文襄謂 成人志尚累遷大將軍府中兵參軍機事强濟為文裏 通率位通直散騎侍郎子潜潜容貌要偉善言談少有 知言其終可大用王思政見獲於潁川文裏重其才

楊州刺史領行臺尚書潜在淮南十三年大樹風績為 事未可由是與琳有隙更相表列武成追琳入點除 灾 相 變歷魏尹丞司州別駕江州刺史所在有害政孝的 後除行臺尚書儀同三司王琳鋭意圖南潜以為時 足日華人 默奏潜從清河王岳南討岳令潜說深將便填大納 路壽陽朝廷以琳為楊州剌史勃潜與琳為南討 船遺還不奏聞文宣杖潜一百仍截其鬚潜颜色不 以潜為揚州道行臺左丞先是梁將王琳擁其主蕭 dula ' 北史 t

錢直始入便出劫括江淮間馬並送官鹿由是百姓 責又粉送突厥馬數干匹於揚州管內令土家貴買之 官責息者官者陳徳信縱其妄注淮南富家令州縣 文宣初平淮南給復十年年滿後建大統武平中徵 徵為五兵尚書揚州吏人以潜 切益嗟怨潜随事無慰無行權略故得寧靖武平三 雜又高元海執政斷漁獵人家無以自資諸商胡負 所憚陳主與其邊將書云盧潜猶在卿宜深備之 斷酒肉寫信釋氏大 税

度景和推眾十萬於淮北不進壽陽城中青黑龍升天 城尋陷潛及行臺僕射王貴顯特進巴陵王王琳扶風 糧便鳴角欲引而賤羅其米及頓兵更贵難其米乃之 灌之詔王長春為南討都督長春軍次河南多給兵士 得憂情發病即幕下果敗陳人遂圍壽陽壅芍陂以水 來冤領軍封輔相赴接陳兵及峴輔相不從潛固爭不 耳至都未終復為揚州道行臺尚書四年陳將吳明徹

欴

定四車全書

北史

設僧會以香花緣道流涕送之潜數曰正恐不久復來

二人耳時李騎縣將逃歸并要潛潛曰我此頭面何可 林餘皆囚於東治陳主欲知齊之虚實乃出潛曰囚本 部人吾少時相者云沒在吳越地死生已定弟其行也 屬此州於河北最小口有五十萬落陳者唯與點伯 及李騙除等督將五十八軍士一萬皆沒馬陳人殺王 王可朱渾孝裕武衛將軍奚永樂儀同索景和仁州剌 一點伯偉霍州刺史封子編泰州刺史高子植行臺左

因寄書與第士家日吾夢汝以某月某日得惠某月某

徳 為人有如昆弟我死持上解馬與之其子以他馬往恃 刺史無子以弟士家子元孝嗣智雅性貞周祖廷常要 絕其家購屍歸葬贈開府儀同三司尚書左僕射兖州 行臺慕容情德常所推重有疾調其子曰盧尚書教我 潛陷仁州刺史劉逊許以高位潛曰如此事吾不為也 死佛教不聽自殺故在海偷生今可死矣於是閉氣而 极出門自停不可動巫祝以為情德聲怒曰何不與、

AND THAT OF ALIO

北史

九九

日漸損皆如其言既而數曰壽陽陷吾以頸血減城而

觐見傅氏跪問起居随時奉送衣被食物亦存 販賈氏 外祖母兄之子婦也死州刺史申暴妻買氏崇吉之姑 女也皆亡被老病憔悴而度世推計中表致其供恤每 左右丞吏部郎中中山太守帯定州長史齊亡後卒度 世之為濟州也親初平升城無鹽房宗吉母傅度世繼 盧尚書我所騎騂馬其子處奉命極乃行潛以馬價為 云此昆季足為後生之俊但恨其俱不讀書耳位尚書 管福事其為時重如此士處字子淹少為崔昂所知即

損子孫多有非法韓簿混穢為時所都度世從祖弟神 善乃入内朝府之外不安交遊其相最以禮如此又 尊早怕移豊儉同之親從民季常旦省諸父出坐别室 門二主當世以為禁伯源兄弟亡及道將卒後家風衰 共財自祖至孫家內百口在洛時有熊年無以自膽然 門之禮為世所推無退簡約不與世競父母亡後同居 並循父風遠親碌屬叙為尊行長者莫不畢拜致敬閨 供其服膳青州既陷諸崔墜落多所收贖及伯源昶等

次記日事 · 4日

清亦同已親親族數重之性聰敏好學未冠解屬文但 者許之以遠大卒於縣騎府曹祭軍崇子系 桑字子剛少孤為叔母所養無視甚於其子柔盡心温 祖十餘人稱征北大將軍坐州刺史攻掠郡縣天興中 平二郡太守坐州中正洪三子長子崇少立美名有識 討禽之溝玄孫洪字曾孫太和中位中書博士樂陵陽 實位中書博士孝文為弟高陽王维納其女為她初玄 祖兄溥慕容實之未統攝鄉部屯海濱殺其鄉姻諸

豫西接關中帶甲十萬觀蒙而動亦中策也舉三荆之 勝出牧荆州柔謂因此可著功績遂從勝之荆州以柔 沒以之此忠之上策也若北阻會陽南并舊楚東連究 保以柔為禄孝武後名勝引兵赴洛勝以問柔柔曰高 為大行臺郎中掌書記軍之機務柔多預之及勝為太 見而器之以女妻馬及魏孝武與齊神武有隙的領板 口吃不能持論頗使酒誕節為世所譏司徒臨淮王或 託晉陽之甲意實難知公宜席卷赴都與決勝負存

霖徒侣凍假者大半至於死大統二年至長安封容城 縣男周文帝引為行臺郎中除從事中郎與郎中蘇 嘉其解彩既知柔所製因遣含人勞問并遺無錦後與 奔梁柔亦從之勝頻表梁武帝求歸關中梁武帝覽表 少笑而不應及孝武西遷東魏遣侯景襲穰勝敗遂南 通款深國可以庇身功名去矣策之下者勝輕柔年 勝及柔懼乃棄船山行贏糧冒險經數百里時屬秋 俱還行至裏陽齊神武懼勝西入遣侯景以輕騎邀 灾 四庫全書

掌機家時沙苑之役大軍屢捷汝賴之間多舉義來附 愷字長仁性孝友神清顏悟涉獵經史有當世幹能頗 解屬文周齊王憲引為記室從憲伐齊說齊相社鎮下 史大夫進位開府儀同三司卒於位所作詩頌碑銘檄 累遇中書侍郎無著作撰起居注後為黃門侍郎周文 書翰往反日百餘牒柔隨機報答皆合事宜進爵為子 表於行於世者數十篇子愷嗣 知其貧解衣賜之後遷中書監周孝関帝践作拜小内

定回車全書

北史

轉禮部大夫為聘陳使副先是行人多行其國禮及愷 談向奉明初欲以老牛享士有虧仁政帝美其言而止 老牛欲以享士愷諫曰昔田子方贖老馬君子以為美 護竟寢其事轉內史下大夫武帝在雲陽官勒諸屯簡 之遷小吏部大夫時染工王神散者以路自進冢宰守 大求賢審官理須詳慎令神歡出自染工更無殊異徒 文護程為計部下大夫愷諫曰古者登高能賦可為大 以家富自通逐與縉紳並列實恐竊異之剌聞之外境

禮部尚書攝吏部尚書事會國子博士何妥與右僕射 為使一依本朝陳人莫能屈建德四年李穆攻板軹 帝曰當仁不讓何愧之有皆在朕心無勞飾讓歲餘拜 尚書左丞每有數奏仍然正色雖逢喜怒不改其常加 皇初加上儀同三司除尚書吏部侍郎進爵為侯仍 景情故是今君之子大象元年拜東都吏部大夫隋開 散騎常侍八年上親考百家以愷為上固讓不敢受文 柘崖二鎮命愷作露布帝讀大悦曰盧愷文章大進首

一威之子臣以較未當選固啓而止臣若與威有私豈當 愷之朋黨事甚明白上大怒曰愷敢將天官以為私惠 蘇威不平奏威陰事惶坐與相連憲司奏愷曰房恭懿 者尉遲迎之黨不當仕進威愷一人由相為達累轉海 **愷免冠頓首四皇太子將以通事舍人蘇獎為舍人獎** 之從父弟徹肅二人並以鄉正徵指吏部徹文狀後至 刺史吏部預選者甚多惟不即授官皆注色而遣威 先任用肅左足擊蹇才用無算愷以威故授朝請郎 灾 匹 庫 在 書 卷三十

士著作佐郎與太常少卿李神雋光禄大夫王誦等在 常與玄家齊等洪弟光宗位尚書郎光宗子觀 觀字伯舉少好學有傷才學秀才射策甲科除太學博 世位員外散騎侍郎幽州刺史崇兄弟官雖不達婚姻 降選無清濁及愷攝吏部與降道衙陸彦師等甄别士 如此上曰威子朝廷共知卿乃固執以徵身幸至所 故涉黨同之語遂及於此崇弟仲義字小黑知名 便行朋附姦臣之行也於是除名卒於家自周氏以

北史

縣築室臨陂優游自適齊文襄降辟書辭疾不到天保 拔勝荆州開府長史勝不用其計棄城奔梁权彪歸本 河陰乃兄觀鼓無子文集莫為撰次军有存者仲宣弟 弟俱以文章顯論者美之位太尉屬魏孝莊帝初遇害 觀弟仲宣小名全才學優洽乃踰於觀但文體頗細兄 尚書上省撰定朝儀遷尚書儀曹郎中孝昌元年卒 彪少機悟豪率輕使好奇策慕諸葛亮之為人為賀 彪

四月白言

卷三十

崩事寢武成即位拜儀同三司判都官尚書出為金州 人無食者令自載取至秋任還其價而不計歲歲常得 謀各帝命元文遥與权彪參謀撰平西策一卷未幾帝 諮議解疾不受孝昭即位名為中庶子問以世事叔彪 刺史遷太子詹事叔彪在鄉時有栗干石每至春夏鄉 對深溝高量運糧實之帝深納之又願自居平陽成此 復後不得已布福露車至郭楊愔往候之以為司徒 討園西畫地陳兵勢請立重鎮於平陽與彼蒲州

史侍伯從弟文偉 餘 神舉以二人有名德收而葬之洪從弟 歸范陽遭亂城陷與族弟士遂后以寒後斃周將宇 於斯哭於斯魏收常來請之訪以洛京舊事不待食 起云難為子費权彪留之良久食至但有栗狼葵菜 校盛之片脯而已所將僕從亦盡設食一與此同 灾匹 並有學識附伯位滄州平東府長史侍伯南岐 既在朝通贵自以年老兒子又多遂營一大屋日 庫全書 卷三十 附 伯 附 伯

才除本州平北府長流彩軍說刺史裴雋案舊迹修督 九陂溉田萬餘頃人賴其利為修立之功多以委之文 偉少孤有志尚頗涉經史州辟主簿年三十八始舉秀 文偉字体族父敞位議即後以文偉熟贈幽州刺史文 將亂文偉積稻穀於范陽城時經荒儉多所振瞻彌為 偉既善於管理無展私力家素貧儉因此致富及北方 鄉里所歸及韓樓據前城文偉率鄉問守治陽樓平以

功封大夏縣男除范陽太守莊帝崩文偉與絕州刺史

定日車至馬

仍以為刺史據城不下文偉不得入後除青州刺史文 史盧胄亦從靈助舉兵靈助敗因據此州降介朱兆兆 乾兄弟相影響屬神武至信都文偉遣子懷道奉啓陳 赴定州為介朱紫將侯深所敗文偉走還本郡仍與高 劉靈助同謀起義靈助克瀛州留文偉行州事自率兵 偉輕財愛客善於撫接好為小恵是以所在頗得人情 謝中與初除安州刺史不之官尋轉此州刺史安州刺 紀生資常若不遺致財積聚及侯寵要的遺不絕卒

請而受屈五千深入李都尉降而不歸時重其工後朝 賓皆為表詢祖俄頃便成其詞云昔十萬横行樊將軍 小黄門粉祖熟母曰蠕蠕既破何無賀表使者時之諸 曰定子詢祖襲祖爵大夏男有術學文辭華美為後生 之俊舉秀才至都趙郡李祖動曾宴諸文士齊文宣使 文學位范陽郡太守有德恵先文偉卒贈度支尚書諡 贈司徒公尚書右僕射諡曰孝威子恭道性温良頗有

廷大遷除同日催拜詢祖立於東止車門外為二十餘

棘那部常戲曰鄉小年才學富盛戴角者無上當恐鄉 属聲曰是誰之咎既至役所作築長城賦以寄其意其 築長城子使自負其才內懷鬱快逐毀容服如賤後者 謂曰大夏初成詢祖應聲曰且得舊雀相賀天保末為 以見楊愔悟曰故舊皆有所原唯大夏未加處分詢祖 人作表文不加點辭理可觀詢祖初襲爵有宿德朝士 靡靡縁岡而殖但使十步而有一芳余亦何辭問於判 曰极則紫柏杵則木瓜何斯材而斯用也草則離離 页四 厚 全 書

為北州人俊魏收楊譽思道而以詢祖為不及詢祖 差以自安部甚重其敏瞻既有口群好臧否人物眾共 曰詢祖有規檢禰衛思道無水稜文學後頗折節歷太 人曰見未能高飛者借其羽毛知逸勢沖天者前其翅 嫉之言其淫於從妹宗人思道謂曰大夏何為招四海 不壽對曰詢祖初問此言實懷惕懼見丈人養養在餐 既諸謗毀日至素論皆薄其為人長廣太守那子廣 前祖曰骨肉還相残何况執玉帛者萬國與思道俱

言疎失宗道令沈之於水後坐酷濫除名玄族子輔字 宗道便命其家人將解其脫士達不得已而受之將赴 其彈箜篌女妓云手甚纖素宗道即以遺之士達固辭 烏蘇鎮城都督懷道弟宗道性魔率動作狂俠位南營 性輕率好酒頗有慕尚既家預義舉神武親待之卒於 子舍人司徒記室卒有文集十卷皆遺逸恭道弟懷道 營州於督元城坡大集鄉人殺牛聚會有一舊門人醉 州刺史當於晉陽置酒賓遊滿座中書舍人馬士達目 月白書

書奏的科康生罪無褒同在公之續明帝世朝政稍衰 内患之同於歲禄官給長絹同乃學案康生度外徵調 奚康生徵百姓歲調皆長七八十尺以邀憂公之譽部 人多竊月軍功同閣吏部熟書因加檢聚得竊階者三 顯光本州别駕子同 百餘人乃表言竊見吏部熟簿多皆改換乃校中兵奏 北海王詳國常侍熙平初累遷尚書左丞時相州刺史 同字叔倫身長八尺容貌思偉善於處世太和中起家

官正職者亦列官名曹别録歷皆仰本軍印記其上然 為尚且今請征職白身具列本州郡縣三長之所其實 案若名級相應者即於黃素楷書大字具件階級數令 與奏案對掌追則防指洗之偽退則無改易之理從前 本曹尚書以朱印印之明造兩通一關吏部一留兵局 與令僕省事各一人總集吏部中兵二局熟簿對句奏 案並復平好愚謂罪雖恩免循須刊定請遣一都令史 以來熟書上省唯別姓名不載本屬致令竊濫之徒輕 定匹库全書 代相付此制一行差止姦周的從之同又奏曰臣伏思 具注加補日月尚書印記然後付曹郎中別作抄目還 後簿不注記緣此之故易生僥倖自令叙陷之後名簿 其人不少良由吏部無法防塞失方何者吏部加陷之 名改換熟簿而已或一階再取或易名受級凡如此者 奏申奏出之日黄素朱印閣付吏部項來非但偷陷門 行臺閣太尉太尉檢練精實乃始關刺省重究括然後 後印縫各上所司統將都督並皆印記然後列上行臺

欽定四庫全書

起年號日月破某處陣其官其熟印記為驗一支付熟 處記之斬首成一階以上即令給券其券一紙之上當 階以上亦具書於券各盡一行當行監裂其券前後皆 中大書起行臺統軍位號熟人甲乙斬三賊及被傷成 人一支行臺記至京師送門下別函守録又自遷都以 今在軍閥簿之日行臺軍司監軍都督各明立文案處 黄素熟簿政可廳止姦偽然在軍虚許猶未可盡請自 來我車屢提所以征熟轉多叙不可盡者良由歲久生

軍還之日便通熟簿不聽隔月站復依行元义之廢靈 之法征還之日即應申送然頃來行臺督將至京始造 **从僥倖易息或遭窮難州無中正者不在此限又熟簿** 簿已經奏賞者即廣下遠近云果處熟判咸令知聞立 官及外號隨才加授庶使酬勤速申立効者勘事不經 姦積年長為巧吏階緣偷增遂甚請自今為始諸有勲 酬叔以三年為斷其職人及出身限內悉令銓除實 年二歲方上熟書姦偽之原實自由此於今以後

家奴為良齊書喻之德與乃降安輯其人而還德與復 管州慰勞聴以便宜從事同乃遣賊家口三十人并**免** 者稱之營州城人就德與謀反除同度支尚書持節使 水使者同啓求回身二階以加珍珍遂除安州刺史論 者非之同兄琇少多大言常云公侯可致至此始為都 善事在位為义所親戮熙之日深窮黨與以希义旨論 持節無黄門侍郎慰勞使乃就州刑熙還授正黄門同 太后也相州刺史中山王熙起兵於鄴敗之义以同為 定四庫全書

其為人素相致託帝以恩舊許之除儀同三司永熙初 **薨贈尚書右僕射四子長子斐嗣** 啓乞儀同初同之為黄門也與節関帝俱在門下同具、 以前慰勞德與功封章武縣伯正除七兵轉殿中普泰 义黨除名莊帝践祚站復本秩除都官尚書復無七兵 反的同為此州刺史無尚書行臺慰勞之同應德與難 除侍中進號縣騎將軍左光禄大夫同時久病牵强 勒眾而往為德興所擊大敗而還靈太后反政以同 +1

遷尚書左丞别典京畿詔獄酷濫非人情所為無問事 莫不重跡屏氣皆目之為校事斐揚揚得志言必自 寒置囚於冰雪之上或盛夏酷熱暴之日下枉陷人致 後以謗史事與李庶俱病鞭杖死獄中斐弟筠青州中 死者前後百數人何察官吏罪失動即奏聞朝士見之 之大小拷掠過度於大棒車輻下死者非一或嚴冬至 斐字子章性残忍以僵斷知名齊文裏引為大將軍府 鱼定匹库全書 獄於軍謂云狂簡斐然成章非嘉名字也大保中稍 卷三十

老婢作食妻子不自隨從又避地大寧山不營世事居 舍情均郊野漁恭守道,貞素自得由是世號居士節 景裕字仲孺小字白頭少敏專經為學居拒馬河將 無二業唯在注解其叔父同職居顯要而景裕止於園 從事同兄静好學有風度飲酒至數斗不亂終於太常 初以例解天平中還鄉里與那子才魏季景魏收 太統初贈太僕御平州刺史静子景裕 除國子博士參議正聲其見親遇待以不臣之禮永 北史

書孝經論語禮記老子其毛詩春秋左氏未訖齊文裹 以罪食景裕風儀言行雅見嗟賞先是景裕注周易尚 等同徵赴都景裕寓託僧寺講聽不已未幾歸本 牙匹厚白 10 驛馬特徵既而舍之使教諸子在館十日一歸家隨 西魏齊神武命都督賀拔仁討平之間景裕經明 吐發開雅時有問難或相抵訶大聲厲色言至不 那摩納與景裕從兄仲禮據鄉作逆逼其同反以 第開講招延時信令景裕解所注易景裕理義 卷三

祭利葵衣產食恬然自安終日端嚴如對賓客與和中 除國子博士進退其間未曾有得失之色性清静淡於 是士君子嗟美之初元颢入洛以為中書郎普恭中復 遜而景裕神彩嚴然風誦如一從容往復無際可尋由 晉陽獄至心誦經柳樂自脫是時又有人負罪當死夢 教授所注易大行於世又好釋氏過其大義天竺胡沙 門道怖每譯諸經論軟託景裕為之序景裕之敗也緊 齊王開府屬卒於晉陽神武悼惜之景裕雖不聚徒

欽

定四軍全書 一

遂鼓行指洛節関遣辯持節勞之於都神武令辯見其 所奉中與主辯抗節不從神武怒曰我舉大義誅羣聽 問赦之此經遂行號曰高王觀世音景裕弟辯 沙門教講經覺時如所夢謂誦干遍臨刑刃折主者以 関帝立除中書舍人屬齊神武起兵信都既破分朱氏 儒謂辯曰告侍中注小戴令汝注大戴庶篡前修矣節 士以大戴禮未有解話辯乃注之其兄景裕為當時碩 辯字景宣少好學博通經籍正光初舉秀才為太學博

帝禮拜之辯曰石立社移自古有此陛下何怪及帝入 等浮屠成孝武會萬僧於寺石佛低舉其頭終日乃止 周文帝以辯有儒術甚禮之朝廷大議常召顧問選太 范陽縣公歷位給事黃門侍郎領著作加本州大中正 史 ピョ 豆 不辯曰門外之道以義斷思復何辭也孝武至長安封 關事起倉卒群不及至家單馬而從或問辯曰得群家 拾而不過孝武即位除辯為廣平王贊師永熙二年平 車駕在此誰遣爾來辯抗言酬答守節不撓神武其之

時隨從亦不告家人其執志敢决皆此類也尋除太常 受業於辯進爵范陽郡公自孝武西遷朝儀湮墜于時 書令及建六官為師氏中大夫明帝即位遷小宗伯進 創制處之不疑加縣騎大將軍開府儀同三司累遷尚 制宜皆合軌度多依古禮性殭記黙識能斷大事凡所 朝廷憲章無與法服金石律日晷刻渾儀皆令辯因時 子少保領國子祭酒趙青雀之亂魏太子出居渭北群 **师太子少傅轉少師魏太子及諸王等皆行東修之禮** 

專掌其事未幾而綽卒乃令辯成之於是依周禮建六 太師太傅太保各一人是曰三狐時未建東宮其太子 史以患不之部卒益曰獻配食文帝廟庭子慎嗣位復 位大將軍帝當與諸公幸其第儒者祭之出為宜州刺 官員改割未果尋又改典命為大司禮置中大夫自兹 官革漢魏之法以魏恭帝三年始命行之六卿之外置 刺史慎弟銓性趙捷善騎射位儀同三司隋開皇初 辯前代名德追封沈國公初周文欲行周官命蘇綽 ). 1 to 1 北史

武司衛之類皆後所增改太子正宫尹之屬亦後所創 子友員各二人學士六人四年又改置宿衛官員其司 員三年初置太子諫議大夫員四人文學十人皇弟皇 四司以下大夫為官之長士貳之是歲又增改東官官 改增宿衛官員二年省六府諸司中大夫以下官府置 樂為樂部五年左右武伯各置大夫一人以建德元年 四年改宗伯為納言禮部為司宗大司禮為禮部大司 厥後世有損益武成元年增御正四人位上大夫保定

置而典章散減弗可復知宣帝嗣位事不師古官員班 德四年增置上柱國上將軍也正九命縣騎大將軍 漢等官今略舉其名號及命數附之於左其紀傳內更 府儀同三司建徳四年改為開府儀同大將軍仍增上 出夕改莫能詳録于時雖行周禮內外衆職又無用秦 夫并御正内史增置上大夫等則今載於外史餘則朝 随情變革至如初置四輔官及六府諸司復置中大 餘官而於此不載者亦史之闕文也柱國大將軍建

青光禄大夫帥都督柱國大將軍府長史司馬司録户 都督戶二萬以上州刺史京兆尹八命平東平西平南 光禄大夫中軍鎮軍無軍等將軍左金紫光禄大夫大 大將軍右光禄大夫車騎將軍左光禄大夫戶三萬以 開府儀同大將軍車騎大將軍儀同三司建德四年改 儀司大將軍仍增上儀同大將軍雅州牧九命驃騎 州刺史正八命征東征南征西征北等將軍右金紫 北等將軍右銀青光禄大夫前右左後等將軍左銀 定四庫全書 卷三十

一次已日 日 二十二 軍中散大夫都督戶五千以上州刺史戶一萬五千以 左員外常侍統軍縣騎車騎將軍府八命州長史司馬 左中郎將儀同府正八命州長史司馬司録戶五千以 , 萬以上州刺史正七命冠軍將軍太中大夫輔國將 萬以上都守正六命中堅將軍右中郎將寧朔將軍 郡守大呼樂六命寧遠將軍右員外常待揚烈將軍 郡守七命鎮遠將軍建議大夫建忠將軍誠議大夫 將開府長史司馬司録戶不滿五千以下州刺史户 北史

令正八命州呼藥七命宣威將軍武賣給事明威將軍 四平前右左後將軍府七命州長史司馬司録正八命 府中郎據屬戶不滿一千以下郡守户七千以上縣 別駕户四千以上縣令八命州呼樂正四命裏威將 從給事儀同府中部據屬柱國大將軍府列曹參軍 尉四征中鎮撫將軍府正七命州長史司馬司録開 年縣令正五命伏波將軍奉車都尉輕車將軍奉騎 FILE IN THE THE 柱國大將軍府中郎據屬戶一千以上郡守長安

七命州呼樂正三命湯冠將軍武騎常侍湯難將軍武 參軍鎮遠建忠中堅寧朔將軍府長史司馬正六命州 别駕正七命州中從事正六命郡辰户五百以上縣令 侍郎幢主儀同府正八命州列曹參軍柱國大將軍府 州呼樂四命威烈將軍右員外侍郎討冠將軍左員外 正八命州中從事七命郡及户二千以上縣令正七命 軍給事中属威將軍奉朝請軍主開府列曹參軍冠軍 國將軍府正六命州長史司馬司録正七命州別駕

北史

撫將軍府正七命州列曹琴軍正五命郡及正二命掃 將軍府七命州列曹祭軍五命郡及戌副二命曠野将 軍殿中司馬横野將軍員外司馬冠軍輔國將軍府正 冠將軍武騎司馬掃難將軍武威司馬四平前右左後 命珍冠將軍强弩司馬珍難將軍積弩司馬四征中鎮 命郡及戶不滿五百以下縣令戌主正六命州呼樂三 寧遠揚烈伏波輕車將軍府長史正六命州中從事六 騎侍郎開府參軍縣騎車騎將軍府八命州列曹參軍 5四庫全書

常大泉元年站總管刺史及行兵者加持節餘悉罷之 軍山林都尉鎮遠建忠中坚寧朔寧遠揚烈伏波輕 辯所制定之後又有改革今粗附之云群弟光 府 授柱國大將軍開府儀同者並加使持節大都督其 軍府列曹珍軍一命周制封郡縣五等爵者皆加 騎常侍其授總管刺史則加使持節諸軍事以此為 又加驃騎大將軍侍中其儀同又加車騎大將軍 到曹參軍正一命武威將軍淮海都尉武牙 . . . 比史

書記改封安息縣伯歷位京北郡守侍中開府儀同三 長史卒官周武帝少皆受業於光故贈轉有加恒典贈 又好玄言孝昌初釋褐司空府祭軍事及魏孝武西思 光字景仁性温謹博覧羣書精於三禮害陰陽解鍾律 少傅益曰簡光性崇佛道至誠信敬常從周文行於檀 司匠師中大夫進一爵燕郡公虞州刺史行陝州總管府 人於山東立義遥授晉州刺史大統六年攜家西入除 相府記室琴軍賜爵范陽縣伯俄拜行臺郎中專掌 定匹庫全書

自破光並不以介懷其精誠守正如此注道德經章句 前後郡將無敢居者光曰吉山由人妖不妄作遂入居 臺山時獵國既合帝遥指山上調奉公曰公等有所見 行於世子賣 之未幾光所無馬忽升聽事登狀南首而立食器無故 還令光於桑門立處造浮圖掘基一丈得瓦鉢錫杖各 一帝稱數因立寺馬及為京北而郡舎先是數有妖怪 不成口無所見光獨曰見一桑門帝曰是也即解園而 史 四十二

會官 魯陽太守太子少官尹儀同三司司武上士時隋文帝 資字子徵略涉書記頗解鍾律在周襲爵燕郡公歷位 為大司馬賣知帝非常人深自推結宣帝嗣位加開府 欲富貴者當相隨來往往偶語欲有去就竟嚴兵而至 及文帝被顧託犀情未一引賣置左右帝將之東第百 聚莫敢動出宗陽門至東宮門者拒不內賣諭之不去 皆不知所去帝智令賣部伍仗衛因名公卿而謂 目叱之門者遂却既而帝得入賁恒典宿衛於問進 曰

庶子左領軍將軍及高頻蘇威共掌朝政竟甚不平時 說以應天順人之事帝從之及受禪命資清官因典宿 史張賓等謀點類威五人相與輔政又以晉王上之爱 干秋萬歲之旗皆賣所創也尋拜散騎常侍無太子左 衛商乃奏改周旗艦更為嘉名其青龍駒属朱雀玄武 譴願祭區區之心謀泄防等委罪於賓賣公卿奏二人 子謀行廢立復私謂皇太子曰資將數謁殿下恐為上 國劉昉被疎是賣風防及上柱國元豁李詢華州刺

定四軍全書

武克段得寫火天駟之應其者用七漢與加應鍾故十 歷代通儒議無定準乃上表曰殷人以上通用五音周 餘賣復爵位檢校太常卿以古樂官縣七八損益不同 坐當死帝以龍潛之舊不忍如誅並除名賓未幾卒歲 於樂是以具礼觀而辯與亡然則樂也者所以動天地 縣七以林鍾為官大樂者政之本也故移風易俗莫喜 之義其來遠矣然世有沿革用捨不同至周武帝復改 校而在一屋鄭玄注周禮二八十六為属此則七八

感鬼神情發於聲安危斯應周武以林鍾為宮盖將亡 相 之徵也且林鐘之管即黃鍾下生之義黃鐘君也而生 水東注名曰利人渠又派入温縣名曰温潤渠以既爲 刊定周齊音律未幾歷野號懷三州刺史在懷州决心 也帝竟從之改七縣八黃鍾為官的資與儀同楊慶和 國家登極之祥斯實宴數相行非關人事臣間五帝不 於 臣明於皇朝九五之應又除者臣也而居君位更顯 沿樂三王不相襲禮此盖隨時改制而不失雅正者

ליין כי ייפור קי קייניי | אין

北史

鹹人賴其利後為齊州刺史耀官米而自耀坐除名後 帝大怒調產臣曰吾將與黃一州觀此不可復用後皇 左右與鄉足為思舊鄉若無過位與高頻齊坐與凶人 從幸洛陽帝從容謂曰我始為大司馬及總百揆頻繁 太子為其言曰此輩並有佐命功雖性行輕險誠不可 思報効以至於此吾不忍殺卿是屈法申私耳責俯伏 交構由是廢點言念畴昔之思復處牧伯之位何乃不 語復本官後數日對韶失肯又自叙功續有怨言

於功臣斯不然矣蘇威進曰漢光武欲全功臣皆以列 甫續等則我不至此然此等皆反覆子也當周宣帝時 棄帝曰我抑屈之全其命也微劉防鄭譯及資柳表皇 大王可且 A ALS 侯奉朝請至尊仁育復用此道以安之上曰然遂廢卒 譯為巫蟲於後如賁之例皆不滿志任之則不避致之 行詐顧命於我我將為政又欲亂之故的謀大逆於前 以無賴得幸及帝大漸顏之儀等請以趙王輔政此輩 怒自難信也非我棄之眾人見此或有竊議謂我薄

一於家 門者二子也幽州反者僕骨形以勇為本郡范陽王時 勇字季禮景裕從弟也父璧魏下邳太守勇初與景裕 俱在學其权同曰白頭公以文通李禮當以武達與吾 j

霜儉運山東租輸皆令實載違者罪之令勇典其事鄉 郡公主虚僦千餘車勇劾之公主訴於神武而勇守法

年十八後葛祭又以勇為燕王齊神武起兵盧文偉名

之不應分朱氏減乃赴晉陽神武署丞相主簿屬山西


勇大破之啓求入朝神武賜勇書曰吾妻卿揚州安批 十隊鳴角直前禽西魏儀同程華斬儀同王征蠻而還 再遷揚州刺史鎮宜陽叛人韓木蘭陳忻等常為邊患 西魏將李景和將至勇乃多置播旗於樹頭分騎為數 之勇請進觀形勢於是率百騎各龍一馬至大腿山知 軍圍廣州未拔行臺侯景閩西魏救兵將至集諸將議 方當委之大事豈止納租而已後行洛州事元象初官 不虧神武謂郭秀曰盧勇懔懔有不可犯色真公人也

客氏滅入魏為魯郡守父叔仁年十八州辟主簿舉秀 才除員外即以親老乃辭歸就養父母既沒哀毀六年 前者卒年三十二勇有馬五百匹私造甲仗遗啓盡獻 高即無西南之處矣表於宜停當使漢兒之中無在卿 誕本名恭祖曾祖晏博學善隸書有名於世仕慕容氏 之贈司空其州刺史盜武貞 躬營墳壠遂有終馬之志景明中被做入洛授武賁中 位給事黄門侍郎營丘成周二郡守祖壽太子洗馬慕 金贞四厚全書 卷三十

奉候大軍以功授鎮東將軍金紫光禄大夫封固安縣 伯尋加散騎侍郎拜給事黃門侍郎魏帝的回經師易 歸西魏遣大將軍李遠率軍赴援誕與文武二十餘人 州舉秀才不行起家侍御史累遇輔國大將軍太中大 馬誕於度世為族弟幼而通亮博學有詞彩郡辟功曹 說定日車至書! 不朝乃出為此州司馬又辭歸鄉里當時咸稱其高尚 幽州别駕北豫州都督府長史時刺史高仲家以州 將非其好也尋除鎮遠將軍通直散騎常侍並稱疾 北北

素有過人者伯源兄弟亦有二方之風流雅道家聲諸 求人師難得朕諸兒稍長欲令卿為師於是親幸晉王 文武功烈殆無足紀而見重於時聲高冠帶盖德業儒 論曰盧玄緒業者間首應在命子孫繼述為世盛門其 書監後以疾卒 第粉晉王以下皆拜之於帝前因賜名曰疑加征東將 拜國子祭酒進車騎大將軍儀同三司恭帝二年除松 軍散騎常侍周文帝又以誕儒宗學府為當世所推乃


得終介眉壽通塞未可量馬叔倫質器洪厚卷舒無濟 實而傾悟矣伯舉仲宣文雅俱幼叔彪志尚宏遠任使 雄之主雖禮秩未弘亦為佐命之一也詢祖辭情絕發 **護細行之所致乎潛及昌衛雅素之紀家風克嗣堂構** 子不逮思道一代俊偉而官途寥落雖曰窮通抑亦不 早著聲名負其才地肆情於矯位遇未聞弱年夭逝若 好謀文偉望重地華早有志尚問關夷險之際終遇英 無虧子剛使酒誕節盖亦明珠之類長仁諫說可重一



桑傳大軍優提〇大監本 就太今改從南本 元幸傳諸商胡負官責息者官者陳德信縱其妄注〇 吕 盧 欽定四車全書 衛傳昌衛獨無所言左僕射高頭目而異之○頭 官監本部官今改從南本 本記類今改從隋書 曾祖湛句改正 玄傳初湛父志法鍾繇書○湛監本訛甚今從上文 北史卷三十考證 監

同時久病奉强〇魏書奉强下有從務二字 文偉傳部甚重其敏贍〇部謂形部也監本誤都今從 景裕傳夢沙門教講經覺時如所夢謂誦千遍臨刑 同 上文改正 停明帝世朝政稍衰○衰監本誤稀今改從魏書 北史卷三十考證 折〇謂魏書作黑 卷三十考該 刃

第三十七頁前八行改為開府儀同大将軍刊本 謹案第二十六頁後六行據城不下刊本據部儀 今改 脱改字府字複行儀字據監本改



腾銀監生日俞 燒枝對官檢討臣王坦修覆校官編修臣劉種之

法財

BE

53